

Ocjena usklađenosti zakonodavstva u oblasti voda sa EU direktivama

Sektor za vodoprivredu je već 7. godinu uključen u proces ocjene okolišnog zakonodavstva sa EU direktivama.

U ovoj godini je kroz EU projekt „RENA“ (Regional Environmental Network for Accession) izvršena ocjena usklađenosti BiH zakonodavstva iz oblasti voda sa 12 EU direktiva, od kojih je za 8 nadležno Federalno ministarstvo poljoprivrede, vodoprivrede i šumarstva (FMPVŠ), dok je ocjena za ostale direktive u nadležnosti državnih ministarstava.

Generalna ocjena ukazuje da nije ustanovljen napredak u transpoziciji EU direktiva iz oblasti okoliša i klimatskih promjena u FBiH, u odnosu na stanje koje je obrađeno u izvještajima o napretku koji su rađeni 2008/9 godine.

Vezano za stanje u oblasti voda može se zaključiti da je ipak postignut stanovit napredak u transpoziciji EU direktiva, u odnosu na prethodne godine praćenja.

Ovo se posebno odnosi na transpoziciju *Direktive o urbanim otpadnim vodama* - 91/271/EEC u iznosu 93%, a što je postignuto donošenjem *Uredbe o uslovima ispuštanja otpadnih voda u prirodni recipijent i sisteme javne kanalizacije* („Službene novine FBiH“, broj: 4/12) od strane Federalnog ministarstva okoliša i turizma.

Ocjena transpozicije *EU Direktive o poplavama* vršena je prvi put ove godine. Zbog donošenja *Uredbe o vrsti i sadržaju planova o štetnom djelovanju voda* („Službene novine FBiH“, broj 26/09), ocjena usklađenosti ove direktive iznosi 71%.

Transpozicija tri direktive, *Direktive o podzemnim vodama* - 2006/118/EC, *Direktive o ribama* - 2006/44/EC i *Direktive o školjkašima* - 2006/113/EC, za koje je ocjena po prvi put vršena od strane FMPVŠ u ovoj godini, je u početnoj fazi.

Podatci iz Izvještaja o napretku za FBiH/BiH u periodu od maja 2011. - marta 2012. godine, navedeni su u narednoj tabeli:

KVALITETA VODA:

EU Direktive u nadležnosti FMPVŠ:	
2000/60 /EC – Okvirna direktiva o vodama	91%
91/271/EEC – Direktiva o prečišćavanju komunalnih otpadnih voda	93%
91/676/EEC – Direktiva o zaštiti voda od zagađenja nitratima iz poljoprivrednih izvora	60%
2006/118/EC – Direktiva o zaštiti podzemnih voda od zagađenja i	3%

pogoršanja kvalitete	
2008/105/EC – Direktiva o standardima kvalitete okoliša na području politike voda	64%
2007/60/EC – Direktiva o poplavama	71%
2006/44/EC – Direktiva o kvalitetu voda pogodnih za život riba	1 1 %
2006/113/EC- Direktiva o kvalitetu voda pogodnih za život ljuskara	0 %
<i>EU Direktive u nadležnosti državnih ministarstava:</i>	
2008/56/EC – Okvirna direktiva o morskoj strategiji, ako je primjenjivo	
98/83/EC – Direktiva o vodi za piće	97%
2006/7/EC – Direktiva o vodi za kupanje	
80/68/EEC – Direktiva o podzemnim vodama	